

Bahagian A
(30 markah)

Masa dicadangkan: 30 minit

Soalan ini mesti dijawab

Grafik dan maklumat di bawah berkaitan dengan gejala ponteng sekolah dalam kalangan murid.

Berdasarkan maklumat tersebut, tulis sebuah [rencana] tentang gejala ponteng sekolah dalam kalangan murid.

Panjangnya rencana anda hendaklah antara 150 hingga 200 patah perkataan.



Leka bermain permainan video di kafe siber



18 pelajar ponteng di kafe siber

Sejumlah 18 pelajar dari sebuah sekolah menengah di sini, telah ditangkap oleh pihak berkuasa ketika mereka bermain permainan video di sebuah kafe siber. Menurut sumber, kejadian ini berlaku pada Sabtu (17) malam. Pihak berkuasa telah menahan 18 pelajar lelaki yang berusia antara 15 hingga 18 tahun. Mereka dituduh melanggar peraturan sekolah dengan ponteng sekolah dan bermain permainan video di kafe siber. Pihak berkuasa sedang menjalankan siasatan lanjut mengenai kejadian ini.

PENGARUH RAKAN SEBAYA



Jom kita ponteng

Sebanyak 3.59 peratus atau kira-kira 182,848 orang murid sekolah di seluruh negara direkodkan terlibat dalam gejala ponteng sekolah bagi sesi akademik yang lalu.

Sumber: *Utusan Malaysia*, 23 Mei 2026.



SULIT
[LIHAT HALAMAN SEBELAH]

Bahagian B**[70 markah]**

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1.

Peningkatan gejala buli yang melibatkan kes serangan fizikal dan cacian merupakan penyakit sosial yang semakin membarah dalam pelbagai lapisan masyarakat, sama ada di institusi pendidikan, di tempat kerja atau di ruang maya. Keadaan tersebut memberikan kesan mendalam terhadap mangsa, termasuklah menyebabkan kemurungan.

Sumber: *Dewan Masyarakat*, September 2025.

Huraikan kesan yang dinyatakan dalam petikan berserta kesan-kesan lain terhadap mangsa akibat gejala tersebut.

2.

Mutakhir, sikap masyarakat yang kurang melibatkan diri dalam program patriotik menyebabkan sambutan Bulan Kebangsaan kelihatan semakin hambar walhal sambutan ini mendatangkan pelbagai kebaikan. Antara kebaikannya ialah sambutan ini mampu menunjukkan rasa bangga akan negara, memupuk semangat perpaduan dalam kalangan masyarakat majmuk dan mengenang pengorbanan nenek moyang.

Sumber: *Dewan Masyarakat*, 31 Ogos 2024.

Berdasarkan petikan di atas, huraikan kebaikan-kebaikan sambutan tersebut.

SULIT
[LIHAT HALAMAN SEBELAH]



SERTAI TELEGRAM @exercise_students



CamScanner

3.

Menurut statistik yang terkini, kadar pengangguran graduan pada tahun lalu adalah sebanyak 4.6 peratus dan meningkat kepada 5.2 peratus. Isu pengangguran graduan ini berlaku disebabkan oleh beberapa faktor seperti ilmu dan kemahiran yang dipelajari kurang sesuai dengan kehendak pekerjaan, sikap memilih pekerjaan serta kecenderungan majikan yang lebih mengutamakan pekerja berpengalaman.

Sumber: *Sinar Bestari*, 19 Disember 2025.

Berdasarkan petikan di atas, huraikan faktor-faktor tersebut.

4.

PUTRAJAYA: Sebanyak 123,133 kes demam denggi dilaporkan pada tahun 2023 berbanding dengan 66,102 kes bagi tempoh yang sama pada tahun 2022, iaitu peningkatan sebanyak 86.3 peratus. Peningkatan kes ini sememangnya berbahaya dan mengancam nyawa masyarakat. Namun begitu, wabak demam denggi mampu diatasi sekiranya semua pihak memainkan peranan masing-masing.

Sumber: *Astro Awani*, 15 Januari 2024.

Huraikan peranan-peranan tersebut.



KERTAS SOALAN TAMAT

SULIT